

## Mchungaji kama mfanya Wanafunzi

### Wito wa Mchungaji

Kuwa mchungaji unapswa uwe ni “wito wa Mungu” na si kazi au utalaamu. Kuwa mchungaji kiukweli ni karama. Paulo mtume anaeleza huduma tano walizo nazo viongozi wa kanisa katika **Waefeso 4:11-12** “*naye alitoa wengine kuwa mitume na wengine kuwa manabii na wengine kuwa wainjilisti na wengine kuwa wachungaji na walimu. Kwa kusudi la kuwakamilisha watakatifu hata kazi ya huduma itendeke hata mwili wa Kristo ujengwe ...*”Tunaona viongozi hawa wanatolewa na kristo kwa kanisa. Wamekirimwa na wameitwa kwa ajili ya kuutumikia mwili wa Kristo (kanisa.) Kila kiongozi aliyekirimwa na kuitwa anakazi maalumu ya kufanya.

### Mchungaji/Mwalimu

Kipekee kazi ya mchungaji imeelzwa kama “*Mchungaji/mwalimu.*” Ni karama iliyounganishwa. Kiukweli mchungaji ni mchungaji wa kondoo za Mungu, kanisa. Anapaswa kufanya kile mchungaji wa kondoo anafanya kwa kondoo. Anaziongoza, anazilinda, anazilisha na kuzijali kama mchungaji mwenye upendo. Pia anakazi ya pili ya uzifundisha mamabo ya thamani ya ufalme na kweli ya ufalme. Katika jukumu lake la kufundisha anazilisha kondoo mkate wa uzima – neno la Mungu. Hii mara nyingi inafanyika kupitia kazi ya mchungaji kama muhubiri wa Neno la Mungu. Hata hivyo kuna mambo mengi unapoitwa mchungaji zaidi ya kile tunachozieleza kondoo kufanya katika mahubiri. Anapaswa kuwakomaza watakatifu wawe watu wazima ambao wataimarika na kuwafundisha wengine kufanya huduma. Uzoefu unaonesha kwamba hewezi kulifuasa kundi kwa njia ya mahubiri. Yanasaidia, nanisehemu ya mafundisho lakini hayawezi kuwakomaza watu na kuwa wafuasi wa Kristo waliokomaa. Paulo anachokisema katika hii **Waefeso 4:11-13** inataka mchungaji awe ni mfanya wanafunzi. Mchungaji anataswa kuwa mwezesaji, ili aweze kujizalisha mwenyewe kwa wengine.

### Mwalimu/Mkufunzi

Makanisa ya Africa yamejaa mahubiri na si mafundisho na hakuna kabisa ukufunzi. Hata hivyo kufanya wanafunzi ni kitu kingine ambacho Kristo amewaita viongozi wa kanisa wafanye. Yesu akawa mfano kwa ajili yetu. Alikuwa na wanafunzi kumi nambili na alitumia miaka mitatu akiwaandaa kuupindua ulimwengu, jambo jema zuri ambalo lilifanywa na Yesu kama mfano. Mfano huu ulihusisha pia kuhubiri na kuwafundisha. Yesu akawajenga waweze kuibeba huduma yake atakapokuwa ameondoka.

Kama tulivyoona katika kitabu cha Kiongozi Mfuasi (Ukurasa 155-157) Yesu alikuwa na mkakati wa kuwafundisha wale kumi na mbili. Tunaweza kujifunza kutoka katika mkakati wake na kuzifanyioa kazi leo katika kuyaongoza makanisa yetu. Katika kitabu chake kizuri, Mpango kazi wa Uinjilisti, Robert Coleman anaonesha mpango ambao Yesu aliufuata akiwa na wanafunzi wake. Kuna mambo manne katiwa Kitabu hicho:

## 1. Uteuzi

Njia ya kwanza ya Yesu kristo ilikuwa ni kuchagua watu sahihi. Naona umeshaona jinsi yesu alivyokuwa makini kwa watu aliowachagua ili wawe wanafunzi wake “kumi na mbili?” hakuwaita kila mtu au mtu yeyote. Aliwaita wale aliowachagua wachache. Hawakuangalia kwa mtazamo wa kidunia bali aliita watu wa kawaida kabisa, lakini walikuwa ni watu ambao angeliweza kuambatana nao wakamfuata. Walikuwa ni watu ambao ni “ waaminifu, wanaopatikana na kufundishika”. Kulikuwa na moango jinsi Yesua anavyochagua watu wale kumi na mbili. Hawakuwa ni watu kamili au watu mashuhuri kama dunia inavyotaka lakini yesu aliona umuhimu wao na akajenga kusudi lake ndani yao.

Vivyo hivyo kila mchungaji anapaswa kuomba na kuangalia watu atakaowachagua na kuwa wanafunzi wake. Mtume Paulo aliona vilre Yesu alivyokuwa akifanya na akanukuu. Paulo alijua njia pekee ya kutimiza utume mkuu lililo katika **Mathayo 28:19** ni kufanya kama vile Yesu alivyofanya – Kufundisha watu wengi. Paulo alikuwa anayejizalisha. Paulo anamwambia Timotheo kijana wake katika huduma, “*Na mamabo yale uliyoyasikia kwangu mbele ya mashahidi wengi hayo uwakabidhi watu waaminifu watakaofaa kuwafundisha na wengine.* (**2 Timotheo 2:2**) Hapa tunamwona mchungaji Paulo aliyepanda makanisa mengi sana alikuwa akifanyia kazi njia alizotumia Yesu katika kuchagua watu atakaowekeza kwao.

### **Mchungaji- Timotheo wako yuko wapi?**

Hata hivyo tunapaswa “kwenda” na kuwashuhudia wale wote watakao tusikiliza. Pia tunapaswa kuwabatiza hao waumini wapya. Jambo linalofuata ni kuwafanya wanafunzi baadhi yao. Hapa ndipo tunaweza kujifunza kutoka kwa Kristo. Hata yesu mwenyewe hakuweza kuwa na wanafunzi wazuri mfano Yuda. Paulo hakuweza kumfanya mwanafunzi Yohana Marko. Kuwa mtu unayechagua ni jamboi zuri sana kwenye mpango huu. Tafuta mtu atakayeambatana na wewe pia atajifunza kutoka kwako. Mchungaji anaweza kuongoza kundi lakini hawezi kulifanya kundi lote wawe wanafunzi. Anachoweza kufanya ni kile yesu alifanya. Kwa maombianaweza kuchagua watu wawili au watatu walio na moyo wa Mungu wanaotaka kujifunza kutoka. Kila mchungaji anapaswa kusema huyu ni Timotheo wangu!

## 2. Jumuiya

Njia nyingine ya kristo ilikuwa ni “**Kuwa naye**”. Dr. Coleman katika kitabu chake amesema mengi sana katika mkakati huu. Anasema ulikuwa ni mpango wa Yesu kuwa na hawa kumi na mbili karibu naye kwa muda wa miaka yote hii mitatu. Hata kama wangesahau walienda wapi, au walikutana wapi lakini walau wamkumbuke! Hii ni “Kuungana” na kristo kitu ambacho kingebadili watu hawa. Agizo la “Mnifuate” ulikuwa ni mpango na kusudi la kuwafundisha hawa kumi na mbili. Waliweza “Kushika” mambo mengi kadri walivyokuwa wakifundishwa. Kitendo cha kuwa na yesu karibu kila siku kwa mahusiano ya karibu sana ilibadili mioyo yao. Walikuwa tayari hata kufa kwa aili ya Yesu. Kristo alielewa uongozi wa kanuni ya “*Jumuiya yaani kuwa nao*” .

Sisi nasi hatuna budi kulipokea hili la kanuni ya “Kuwa name”. Huwezi kujizalisha maisha yako kwa wengine bila kuwa na muda wa kutosha na mtu huyo. Hii ni kweli katika kulea watoto na ni kweli katika maswala ya kiroho. You. Wazazi wanaotumia

muda wa kutosha na watoto wao mara zote watoto wao watawaweka katika miyo yao milele. Ufuasi ni “kushika” vya kutsha kadri unavyoweza Uunapofundisha”. Ilikuwa inasemekana kwamba, “Waliwatambua kwamba wamekuwa na Yesu.” Mtu anayetaka kuwaongoza wengine anapaswa kupatikana wakati wote kama Yesu alivyokuwa kwa walio wake. Kujizalisha kiroho ni mchakato wa kuzaa na ni jambo linalohitaji muda na wakati mwingine ni kazi ya maumivu.

### 3. Kuwekwa Wakfu

Mpango wa Yesu pia ulikuwa ni kuwafanya wale watu aliowaita “*kuutafuta kwanza Ufalme*” kiwe kipaumbele chao kama wanafunzi. Katika Luka 14, Mifano ya Yesu ilikuwa ni kuhesabu Gharama. Mata tatu katika Luka 14, Bwana wetu anasema, “*hamwezi kuwa wanafunzi wangu,*” hadi pale mtakaponipenda kuliko watu, mali na vitu. Mpango wake unawale ta watu wafike katika sehemu ya utakatifu waweze kuenenda naye. Zaidi na zaidi ile miaka mitatu walisafiri pamoja akawapa Fursa ya kuona jinsi ya kujitoa katika kazi ya Mungu na akawahimiua wawe kama Yeye alivyokuwa. Na sisi Pia tunapaswa kuishi matakatifu ili tuwaongoze wengine. Ni kanuni ya uongozi wa kiroho kwamba huwezi kuwaongoza wengine na kuwapeleka sehemu ambayo hujawahi kwenda au kufika. Huwezi kuwasaidia watu watoke kwenye kuzama ikiwa wewe hata kuogelea hujui.. Huwezi kumwelekeza mtu mwingine akae karibu na Mungu hali mwenyewe mwenyewe uko mbali na Mungu. Kwa nini? Kwasababu yuko muda mwingi na wewe atakukamata tu.” Ikiwa unamwambia aombe lakini anakuona au hasikii ukiomba hawezi kuomba na kuyaweka maombi kipaumbele chake. Unadhani wale kumi na mbili walisahau masaa yao ya maombi na Yesu? Kamwe! Yesu alipokuwa akimwomba Baba hivyo na hawa kumi na mbili walitaka kumjua Mungu zaidi kama Yesu alivyokuwa karibu naye! Kuwafanya wengine wawe wanafunzi unapaswa wewe uwe mwanafunzi kwanza.

### 4. Kanuni ya Kujizidisha

Ni jambo la kushangaza kwamba yesu aliwaangalia watu hawas wa kawaida. Wavuzi, watoza ushuru, mazelote, na watu wa kawaida kabisa na kuona ufalme wa Mungu ndani yao. Aliona kitu ambacho hakuna ambaye alikuwa amekiona akaona ulimwengu ukiokoka kwa ajili ya ushuhuda wao. Hakuna hata mmoja wao ambaye alikuwa kasafiri maili nyingi kutoka nyumbani kwake. Lakini bado Yesu aliwaagiza waende kwenye mataifa yote wakahubiri! Lazima alikuwa na Mpango. Alikuwa nao. Maono yake ilikuwa ni kwakila mtu kumfikia mtu mmoja amfundishe kumfikia mtu mwingine mmoja. Mpango huu ni kujizalisha kiroho. Ni kanuni ya kujizidisha.

Ni kwa jinsi gani hili linawezekana na je linafanikiwa? Ni rahisi sana kwamba wachache wameshajaribu. Na ikafanikiwa kama hivi. Ikiwa mwanafunzi atamleta mtu mmoja na akatumia mwaka mzima anamfundisha mtu huyo kumleta mtu mwingine kwa Yesu muda si mrefu Yule mtu atamleta mtu mwingine. Mwishoni mwa mwaka huyu mwanafunzi atakuwa na mtu wake. Huyu naye aliye kuja anaanza kumfundisha huyu aliye mleta ili alete mtu mmoja kwa Kristo. Mwishoni mwa mwaka watakuwa ni wane. Ukiangalia ni kama mpango huu hauendi katika mchakato wa kuufikia ulimwengu. Ni wachungaji wachache ambaoi wanamfumo wa kujenga kanisa kwa utaratibu huu. Unaweza kusema kwamba hawa hawataufikia ulimwengu.

Tafakari tena. Sasa **mwaka wa pili** watakuwa ni watu wanane, kwa sababu kila mtu ataleta mtu mmoja. Kwa muda wa **miaka kumi** watakuwa ni **1,024** wakifanya mkakati ule ule. **Miaka ishiri** dunia itakuwa na wafuasi **1,048,576** wa yesu Kristo. Hii si mbaya si ndivyo? Sasa kila mtu atafundisha na kuleta mtu mmoja kwa muda wa **miaka Thelathini** watakuwa ni watu **1,073,741,824!** Katika kizazi kimoja, **miaka arobaini**, zaidi ya **Trioni moja** watakuja kwa Kristo katika wokovu! Tafakari juu ya Mpango kazi kwa sekunde kadhaa. Ujue hii idadi ya watu trioni moja ni hesabu inayoogopesha. Kumbuka tumekuwa na muda wa kutosha tangu yesu alipotupa agizo kwa hiyo dunia tungekuwa tumeifikia zaidi ya mara 100! Kanisa lingekuwa limeshatimiza utume mkuu katika kizazi cha kwanza kupitia kwa wale kumi na mbili tu. Siyo mpango mbaya isipokuwa watu hawajafanya kwa uaminifu.

### **Mafunzo/ Ujuzi**

Ikiwa mchungaji anataka kutimiza wito wake anapaswa kujifunza kufundisha na kuwafunza wengine. Paulo anamwambia Timotheo (Mwanafunzi wake) *“Kila andiko lenye pumzi ya Mungu lafaa kwa mafundisho nakwakuwaonya watu makosa yao na kwakuwaongoza na kwakuwaadibisha katika haki.”* **2nd Timothy 3:16** Angalia faida hii *“kuwaongoza katika haki”*

Mchungaji ni mkufunzi! Anapaswa kujifunza namna ya kuendeleza “Ujuzi” katika kanuni zake. Hii hasa inamaana gani?

**Kwa mfano:** Ikiwa mchungaji ni mwanamaombi hilo ni jambo jema; lakini hadi awafundishe wengine kuomba vinginevyo ataweza kukamilisha mambo madogo sana katika swala la nguvu ya maombi. Anawafundishaje watu wake kuomba?

**ANAWAONESHA JINSI YA KUOMBA!** Hadi waombe pamoja naye, wajifunze jinsi ya kuomba, wamsikie akiomba vinginevyo hawawezi kuwa na hamu ya kuomba. Yesu alitumia muda mwingi katika maombi na watu wake. Baada ya kumwalia akiomba na kusikia akiongea kwa baba yake wanafunzi wake wakalia wakimwambia *“Bwana, tufundishe kuomba kama hivyo!”* (**Luka 11:1**)

Kuna ujuzi mwingi ambao mchungaji anaweza kuwapa wanafunzi wake. Kile anachojua kufanya anaweza kufundisha mwingine kufanya. Anaweza kuwafundisha kushuhudia, kuomba, kuongoza wengine, kutumika kwa unyenyekevu, kuwa wakili mwema, kumtumaini Mungu na hata kuwa mfanya wanafunzi.

### **Kanisa la Afrika**

Kila mchungaji wa Africa anayo maamuzi ya kufanya. Anaweza kuendelea kuliongoza kanisa lake kiutamadunia wa kiafrika au anaweza kuamua kuwa mchungaji wa Kibiblia akiwaongoza watu wake kama Waefeso 4. Kama ataamua kuwa mwanafunzi basi wa Biblia mamabo yafuatayo yatatokea kwake kama katokeo.

1. Matimotheo wake (wakiume na wakike) watakuwa ni kituo chake. Atajizidisha kwa wengine.
2. Hawa wanafunzi wapya ni wazee muhimu, wainjilisti na hata wachungaji wa kupanda makanisa. Kupitia hii hali ya kupanda makanisa anakuja kuwa ni kiongozi wa kitume na askofu kwa mtazamo wa Biblia. Anakuwa ni mlezi wa wengi.

3. Atakuwa ni mfano wa makanisa mengine ya kiafrika kwamba kuna njia nyingine kubwa zaidi ya kuwa zaidi ya dhehebu. Watu wa kiume na kike wanapoanza kujiongeza au kujizalisha Neno litaeneo na Mungu hakika atakuwa kazini.
4. Kufanya wanafunzi utakuwa ni urithi halisi wa mchungaji. Nyuma yake ataacha watu waliobadilika, viongozi waliokomaa, na waibeba kazi aliyoianzisha. Ikiwa hatafanya wanafunzi kazi itakufa atakapokufa. Ni rahisi hivyo.

### **Ni kizazi gani unachoishi kwa ajili yake?**

Kiongozi anayefanya wanafunzi haishi kwa ajili ya izazi cha leo. Yeye anaishi kwa ajili ya baadae ni kiongozi anayewaza ya kesho. Anataka kuacha utamaduni uliobadilika nyuma yake atakapoondoka. Kwakufundisha kizazi cha wanafunzi wa Yesu akiondoka anaacha jeshi amabalo litabadili mila na desturi kwa miaka mingi ijayo. Kile anachofanya sasa na Timotheo wake itakuwa kama wimbi pembezoni mwa bahari linalochimba kingo za bahari.

Kwa hiyo mchungaji wewe ni aina gani ya mchungaji unataka uwe? Ninakusihi umfuate Kristo, Paulo na Petro, Tito, timotheo na viongozi wengi wa Agano jipya waliobadili ulimwengu wao kwa kufanya wanafunzi wa ulimwengu mzima.